



*Bošnjačko nacionalno vijeće*  
*Bosniac National Council*  
*Национални савет бошњачке националне мањине*

**REPUBLIKA SRBIJA**  
**MINISTARSTVO PROSVJETE NAUKE I**  
**TEHNOLOŠKOG RAZVOJA**  
**Mladen Šarčević, ministar**  
Nemanjina 22-26, Beograd

Poštovani ministre Šarčević,

Bošnjački narod u Sandžaku, koji čini brojčanu manjinu u Republici Srbiji, predstavlja dio jedinstvenog nacionalnog korpusa sa Bošnjacima u Bosni i Hercegovini. U skladu sa tim Bošnjaci u Srbiji smatraju i osjećaju Bosnu i Hercegovinu kao svoju maticu.

U cilju unaprjeđenja kvaliteta obrazovanja Bošnjaka na bosanskom maternjem jeziku, molim Vas da intenzivirate aktivnosti na uspostavljanju obrazovne saradnje, kako bi se izvršile sve neophodne pravne i političke radnje za potpisivanje bilateralnoga sporazuma o saradnji između Vlade odnosno Ministarstva prosvjete, nauke i tehnološkog razvoja Republike Srbije i Vijeća ministara Bosne i Hercegovine odnosno Ministarstva civilnih poslova okviru kojeg postoji sektor za pitanje obrazovanja.

Smatramo da potpisivanje ovakvog sporazuma o saradnji između dvije države može doprinijeti našim zajedničkim naporima na poboljšanju kvaliteta obrazovanja na bosanskom jeziku u Srbiji, kao i unapređenju opće saradnje i razumijevanja između dvije države i dva naroda.

Također, predlažemo neke od tema koje su od posebnog značaja u oblasti obrazovanja na bosanskom jeziku, a koje bi bile osnova za pregovore i pripremu buduće saradnje:

- unapređenje sistema predškolskog, osnovnog i srednjeg obrazovanja na bosanskom jeziku;
- unapređenje sistema visokog obrazovanja na bosanskom jeziku;
- izrada nastavnih planova i programa za potrebe nastave na bosanskom jeziku na svim nivoima obrazovanja;
- izrada i uvoz udžbenika za potrebe nastave na bosanskom jeziku;
- izrada i realizacija programa stručnog usavršavanja nastavnog kadra koji izvodi nastavu na bosanskom jeziku;
- realizacija programa razmjene studenata dodiplomskog i postdiplomskog studija, te akademske razmjene;

- organizovanje posebnih predavanja, tribina, okruglih stolova, promocija i drugih naučnih i stručnih skupova posvećenih nacionalnom obrazovanju Bošnjaka na bosanskom jeziku i očuvanju nacionalnog identiteta;
- izdavačka djelatnosti kroz realizaciju posebnih izdavačkih projekata od posebnog značaja za Bošnjake;
- prevodilačka i lektorska djelatnost na bosanskom jeziku.

Ostale teme koje su bitne za poboljšanje kvaliteta obrazovanja na bosanskom jeziku dostavit ćemo u procesu priprema za potpisivanje sporazuma o saradnji.

Za sve dodatne informacije prilikom priprema i pregovora o budućoj saradnji stojimo Vam na raspolaganju.

S poštovanjem,

Mjesto: Novi Pazar  
Datum: 09.08.2017.  
Broj: 712-01/2017

